



الحمد لله واشهد ان لا اله الا الله وحده لا
شريك له واشهد ان محمدا عبده ورسوله
صلى الله عليه وسلم أما بعد... اه خرينا نبدا
الاول اه سؤال اه بديهي قوي اه سهل خالص
كلنا طبيعي جدا هنجاب عليه. لكن هنتكشف
بعد شوية كده ان السؤال البديهي ده ما بقاش
بديهي دلوقتي ولا طبيعي. احنا بنسأل سؤال
بسيط جدا. العادي يعني السؤال بسيط جدا اي
واحد مسلم بيتسأل السؤال دوت هتكون اجابته
سهلة جدا. لماذا خلق الله الخلق؟ يعني لماذا
خلق الله الخلق؟ عايز اجابة. لماذا خلق الله

الخلق؟ الإجابة ديت اهي هيترتب عليها كل
الكلام اللي احنا هنقوله النهاردة. لماذا خلق الله
الخلق؟ ليه؟ ليه ربنا خلقنا اصلا؟ ليه خلق
بني آدم عموما؟ كويس. العبادة جميل جميل

﴿وَمَا خَلَقْتُ الْجِنَّ وَالْإِنسَ إِلَّا لِيَعْبُدُونِ﴾

[الذاريات: ٥٦]

﴿ ما معنى ليعبدون؟ ما معنى ليعبدون؟
يعبدون يعني ليوحدون يعني يعبدون وحدي
ليس معي احد. يعبدون الله ولا يشركون به
شيئا سبحانه وتعالى. فاذا جعلوا لله سبحانه
وتعالى ندا لم يتحقق فيهم معنى الايه؟ معنى
العبادة. لم يكونوا لله سبحانه وتعالى عابدين.
يبقى احنا بنتكلم ان معنى اللي يعبدون ليس
المقصود ان هو يعبدني وخلاص. وإنما
ليعبدون يعني ليوحدون. يعبدوه وحده. ولا

يشركوا به شيئاً. ولهذا السبب خلق الله الإنسان. وعلى هذا المعنى مدار كل شيء. ومن أجل هذا المعنى خلق الله الجنة والنار. وعلى اثر هذا العمر سيقوم سوق الجنة والنار. وعلى أساس هذا المعنى سيكون حساب الناس يوم القيامة. وعلى اساس هذا المعنى يصنف الناس الى مؤمن وكافر. **﴿هُوَ الَّذِي خَلَقَكُمْ فَمِنْكُمْ كَافِرٌ وَمِنْكُمْ مُؤْمِنٌ وَاللَّهُ بِمَا تَعْمَلُونَ بَصِيرٌ﴾ [التغابن: ٢]**

﴿احنا متفقين على الايه؟ على الكلام البسيط دوت. طيب لو جه واحد دلوقتي سوى سوى بين من يوحد الله سبحانه وتعالى وبين من يجعل له شريك وند. وقال ان الاثنين تمام والاثنين ممكن يدخلوا الجنة. ده الشخص ده عمل ايه دلوقتي؟ الشخص ده بالنسبة لي هدم

كل معنى للحياة وهدم الغاية غاية الله تعالى
من خلق الخلائق. فجعل في النهاية أن للى
وحد زي اللي ما وحده اللي عبد ربنا
سبحانه وتعالى وحده لا شريك له. زي اللي
جعل له ندا وبالتالي لم يكن هناك أي معنى
للخليفة طالما في الآخر المؤمن الكافر الموحد
المشرك كله داخل الجنة كده الدنيا جميلة وما
فيش أي معنى للحياة. اما يطلع معنا عالم
أزهري يقول أن المسلمين عندهم نعمة كذابة
نعمة كذابة ايه هي النعمة الكذابة دية النعمة
الكذابة ديت ان هم بيعتقدوا احنا المساكين
بنعتقد ان احنا بس اللي هتخش الجنة. ان
المسلمين بس هم اللي هيخشوا الجنة. وان ما
عدا المسلمين مش هيخشوها. وانه بيقول دي
كذبة كبيرة جدا عايشين فيها. ونعمة كذابة.

المفروض يطلعوا منها. وبدأ يستشهد بقوله
تعالى ﴿لَكُمْ دِينُكُمْ وَلِيَ دِينِ﴾ [الكافرون: ٦]

■ واستشهد بقول الله تعالى ﴿إِنَّ الَّذِينَ آمَنُوا
وَالَّذِينَ هَادُوا وَالنَّصَارَى وَالصَّابِئِينَ مَنْ آمَنَ
بِاللَّهِ وَالْيَوْمِ الْآخِرِ وَعَمِلَ صَالِحًا فَلَهُمْ أَجْرُهُمْ
عِنْدَ رَبِّهِمْ وَلَا خَوْفٌ عَلَيْهِمْ وَلَا هُمْ يَحْزَنُونَ﴾
[البقرة: ٦٢]

ضماستشهد ده كلام هحتاج نـتكلم عليه
دلوقتي. فانا لازم الكد على معنى مهم. ان احنا
قبل ما نرد على الكلام دوت و نفهمه كويس
لازم نفهم ان أخطر شيء في الدنيا يا اخوانا
أخطر شيء في الدنيا هو امر العقيدة. خسارة
ان في دعاة بيتكلموا في كل شيء ما بيتكلموش
في امر العقيدة. بيتكلم في الأخلاق في آداب
في مواظ في فضائل الاعمال ثم يسكت في

أمر العقيدة. وهذا قصور في أمر الدعوة.
النبي عليه الصلاة والسلام لما أرسل معاذ ابن
جبل إلى اليمن. قال فليكن أول ما تدعوهم
إليه أن يوحدوا الله. فإذا هم علموا ذلك فإذا هم
عرفوا ذلك فأعلمهم أن الله افترض عليهم
خمس صلوات في اليوم والليلة. فإذا هم عرفوا
ذلك فأخبرهم أن الله افترض عليهم زكاة. تؤخذ
من أموالهم من أغنيائهم فترد إلى فقرائهم.
فلا بد كلنا يكون أخطر اهتمامنا وأهم اهتمامنا
هو بأمر الدعوة إليه؟ الدعوة إلى قضية
التوحيد. وأي أساس بقضية التوحيد لابد أن
يكون رد فعل عنيف. ورد فعل قوي تجاه
كل من يتكلم في قضية التوحيد أو يمس قضية
التوحيد. أما أنا دلوقتي اتكلم أن الضربة
بتجيلي من واحد مسلم وبتجيلي الضربة من

من شخص ينسب إلى الأزهر وينسب إلى العلم. ثم يقول في النهاية يهدم لك كل معنى انا عايش عشانه في النهاية. كل معنى انا انا في الاخر بحيى من أجله قضية التوحيد تيجي انت تقول ان مش المسلمين بس اللي هيخشوا الجنة؟ اذا ما معنى انا عايش ليه؟ ما تحول انا النصرانية او اليهودية او الى بوزية طالما كله داخل الجنة. عندك. طالما ناس طيبين وكويسين اخلاقهم عالية يخشوا الجنة. ايه فايدة ان انا ابقى مسلم؟ وايه القضية اللي انا عايش عشانها ديت؟ فهذه قضية كبرى. لازم كلنا نفهم ان دي أعظم قضية في الوجود. والقضية دية لو مش واضحة عندنا كلنا نضيع. ربنا سبحانه وتعالى جعل مدار قبول الشخص وقبول عمله. على هذه القضية. قال الله سبحانه

وتعالى ﴿فَمَنْ كَانَ يَرْجُو لِقَاءَ رَبِّهِ فَلْيَعْمَلْ عَمَلًا
صَالِحًا وَلَا يُشْرِكْ بِعِبَادَةِ رَبِّهِ أَحَدًا﴾ [الكهف:
[١١٠]

﴿إِنَّ الَّذِينَ كَفَرُوا وَمَاتُوا وَهُمْ كُفَّارٌ فَلَنْ يُقْبَلَ
مِنْ أَحَدِهِمْ مِلءُ الْأَرْضِ ذَهَبًا وَلَوْ افْتَدَى بِهِ
أُولَئِكَ لَهُمْ عَذَابٌ أَلِيمٌ وَمَا لَهُمْ مِنْ نَاصِرِينَ﴾
[آل عمران: ٩١]

﴿رَبَّنَا قَالَ ﴿مَثَلُ الَّذِينَ كَفَرُوا بِرَبِّهِمْ أَعْمَالُهُمْ
كَرَمَادٍ اشْتَدَّتْ بِهِ الرِّيحُ فِي يَوْمٍ عَاصِفٍ لَا
يَقْدِرُونَ مِمَّا كَسَبُوا عَلَى شَيْءٍ ذَلِكَ هُوَ
الضَّلَالُ الْبَعِيدُ﴾ [إبراهيم: ١٨]

هؤلاء كما قال سبحانه وتعالى ﴿وَالَّذِينَ كَفَرُوا
أَعْمَالُهُمْ كَسَرَابٍ بِقِيعَةٍ يَحْسَبُهُ الظَّمْآنُ مَاءً
حَتَّى إِذَا جَاءَهُ لَمْ يَجِدْهُ شَيْئًا وَوَجَدَ اللَّهَ عِنْدَهُ

فَوَفَّاهُ حِسَابَهُ وَاللَّهُ سَرِيعُ الْحِسَابِ ﴿النور:

[٣٩

ﷻ ده ربنا قال للنبي عليه الصلاة والسلام

نفسه

﴿لَئِنْ أَشْرَكَتَ لَيَحْبَطَنَّ عَمَلُكَ وَلَتَكُونَنَّ مِنَ
الْخَاسِرِينَ بَلِ اللَّهُ فَاعْبُدْ وَكُنْ مِنَ الشَّاكِرِينَ﴾
[الزمر: ٦٥ و ٦٦]

﴿اقفل الباب﴾ والله سبحانه وتعالى ﴿وَمَنْ
يَرْتَدِدْ مِنْكُمْ عَنْ دِينِهِ فَيَمُتْ وَهُوَ كَافِرٌ فَأُولَئِكَ
حَبِطَتْ أَعْمَالُهُمْ فِي الدُّنْيَا وَالْآخِرَةِ وَأُولَئِكَ
أَصْحَابُ النَّارِ هُمْ فِيهَا خَالِدُونَ﴾

ومن يرتدد منكم عن دينه فيمت هو كافر
فاولئك حبطت اعمالهم في الدنيا والآخرة.
واولئك اصحاب النار هم فيها خالدون هم فيها

خالدون فكيف يأتي الشخص الآن؟ يزعم ان
ممكن تكون الجنة لغير ليه؟ لغير المسلمين.
هذه كارثة يا اخواني. انا اقول ان قضية
التوحيد احنا دلوقتي عايشين في الدنيا كلنا
فاهمين ان احنا عايشين في امتحان في اختبار
صح؟ في امتحان واختبار. تعال نتخيل اختبار
من اختبارات الدنيا. ان انت تجيلك اسئلة و
بتحلها اللي حضر معايا اللايف بتاعي يا فاشل
كنا قلنا القضية ديت التوحيد بالنسبة لامتحانك
عامل زي اسمك على ورقة الاسئلة اسمك
على ورقة الأسئلة ما كتبتش اسمك على ورقة
الأسئلة. ما فيش اي معنى لأي كلام هتكتبه
جوة الورقة. اسمك موجود على ورقة على
ورقة الإجابة اقصد؟ يبقى احنا هنبص جوة
ونشوف انت كاتب ايه؟ فإذا كان أصلا عدم

وجود التوحيد في شخص أن يموت شخص
على ذلك ده معناه انه ما كتبش اسمه اصلا في
ورقة الإجابة. ده لن ينظر الى عمله. ده لن
يقبل منه لا صرف ولا عدل. فضلا ان هو
يخش الجنة. فلا بد ان نعلم ان المسلمين فقط
بلا شك هم من سيدخلون الجنة. وعن اي كلام
غير ذلك هو كلام باطل و تكذيب لكتاب الله
سبحانه وتعالى. ومن يبتغي غير الاسلام ديناً
فلن يقبل منه فلن يقبل منه وهو في الآخرة من
الخاسرين. امانك يوم القيامة مرتبط بالتوحيد.
قال الله تعالى ﴿الَّذِينَ آمَنُوا وَلَمْ يَلْبِسُوا إِيمَانَهُمْ
بِظُلْمٍ أُولَئِكَ لَهُمُ الْأَمْنُ وَهُمْ مُهْتَدُونَ﴾ [الأنعام:
[٨٢]

■ **فكيف يعني نقبل؟** نقبل تكون هناك عبث

بهذه القضية الكبرى التي اصلا يعني سبحان

الله يعني انا مستغرب والله العظيم الإنسان
بيشعر بإحباط غير عادي. يعني انا احنا
عايشين احنا وانتم وكل المسلمين عايشين من
أجل قضية ثابتة. عايشين في اجل الإسلام.
وكل يوم بنقول يا رب الاسلام حتى نلقاك
عليه. اللهم يا مقلب القلوب ثبت قلبي على
اياه؟ على دينك. يا على دينك. اللهم يا ولي
الإسلام وأهله مسكنا الإسلام حتى نلقاك عليه.
طب انا بقول كده ليه؟ إذا كان غير المسلمين
هيدخلوا الجنة. اذا كنت انا بقى في النهاية
الجنة مش حكر على المسلمين. طب انا
متمسك بديني ليه يعني؟ القضية دي ليه؟
وبدعي ربنا يثبتني ليه؟ وبسأله حسن الخاتمة
ليه؟ وبقول مسكني الإسلام حتى القاك عليه
ليه؟ والله شيء عجيب شيء عجيب

والاعجب من كدة؟ انه كمان عنده جرأة هذا
الرجل أن يستدل على كلامه بكتاب الله. وهذا
من من الوقاحة ومن الجرأة العجيبة. ان انت
تستدل على أن المسلمين مش المسلمين بس
اللي هيخشوا الجنة بكلام ربنا نفسه. وتقول
ربنا بيقول ﴿لَكُمْ دِينُكُمْ وَلِيَ دِينِ﴾ [الكافرون: ٦]

طيب هذا الكلام عجيب جدا اولا لان هذه
السورة اسمها سورة الكافرون صريحة.
وأولها قل يا أيها الكافرون صريحة. ولما ربنا
يقول لكم دينكم ولي دين. يبقى دول دينين ها؟
مش دين واحد. وما ينفعش دينين يخشوا في
في الجنة. احنا بنضيع خلاص دلوقتي احنا
بنتكلم في مفاهيم في غيبوبة. سيبك من الآية
ديت. الآية دي واضحة وكلنا فاهمين ليه في
سورة الكافرون اصلا. الآية الأصعب بقى.

قوله تعالى ﴿إِنَّ الَّذِينَ آمَنُوا وَالَّذِينَ هَادُوا
وَالنَّصَارَى وَالصَّابِئِينَ مَنْ آمَنَ بِاللَّهِ وَالْيَوْمِ
الْآخِرِ وَعَمِلَ صَالِحًا فَلَهُمْ أَجْرُهُمْ عِنْدَ رَبِّهِمْ
وَلَا خَوْفٌ عَلَيْهِمْ وَلَا هُمْ يَحْزَنُونَ﴾ [البقرة:

[٦٢

الاية دي على فكرة كثير بيستدلوا بها بل انا
جالي اسئلة كثير حوالين الاية ديت من ناس
مسلمين طيبين صالحين ايه رأيك بقى فعلا
بيقول للشيخ اا الاية بتقول بتقول ان النصارى
هيشوا الجنة صح لأ وبتقولوا اليهود كمان
ايه رأيك جامدة والصابئين كمان معانا ايه
رأيك؟ هيلاقوها صريحة اهي. ان الذين امنوا
والذين هادوا. اليهود ها؟ والنصارى.
والصابئين. من امن بالله؟ واليوم الآخر.
وعمل صالحا فلهم اجرهم عند ربهم ولا

خوف عليهم ولا هم يحزنون اهي صريحة
الاية بتقول كله داخل. كله داخل الجنة. على
حسب كلامه هولكن احنا لما نعوذ نتكلم يبقى
انا لازم افهم الاية ديه بتتكلم في ايه؟ وجت
ليه هنا؟ وليه ربنا قال الآية دي في المكان
دوت؟ وليه ربنا هنا اثنى على بعض
النصارى واليهود؟ اي طالب علم عادي جدا
لما يلتبس عليه اية هيفتح تفسير. هيفتح تفسير.
انا عايزك تفتح اي تفسير. اي تفسير. تفتح
الساعة دي. تفتح ابن كثير. افتح التحرير
والتنوير. افتح القرطبي. افتح أضواء البيان.
أي حاجة انا مش فارق معي لان انت
هتلاقي نفس الكلام في كل وانا انصحك افتح
ابن كثير لازم اي واحد بيحضر لايف ده
دلوقتي تروح على الآية دي في سورة البقرة

ان الذين امنوا والذين هادوا والنصارى
والصابرين من آمن بالله واليوم الآخر وعمل
صالحا فلهم اجرهم. رح افتح ابن كثير
ضروري دلوقتي. مش زي ما بعد اللاييف
يعني خش على النت بس اكتب تفسير ابن
كثير لقوله تعالى ان الذين آمنوا والذين هادوا
والنصارى والصابئين من آمن باليوم الآخر.
هتلاقي اللي انا بقوله لك دوت اللي هو في كل
التفسير مش ابن كثير بس. تمام؟ الآية دي
بتكلم في ايه؟ عشان شبه جامدة. لا دي بتكلم
في حاجة من الاتنين. أما المقصود بها اليهود
والنصارى والصابئين دول فرقة برضه كان
عندهم كتاب. ويقال إن هم فرقة من النصارى.
يعني كانوا أهل كتاب برضو. أن الثلاثة دول
ربنا بيثني على اللي في زمانهم في زمنهم في

زمن نبيهم آمنوا به وصدقوا به وآمنوا باليوم
الآخر وعملوا صالحا. مش بيتكلم عليهم بعد
بعثة النبي عليه الصلاة والسلام. بيتكلم عن ان
هم في زمانهم. إن الذين آمنوا يعني بمحمد في
زمانه. والذين هادوا آمنوا بموسى في
والنصارى الذين آمنوا بعيسى في زمانه
والصابئين الذين آمنوا بكتابهم في زمانه دول
اللي في زمنه عمل صالحا وآمن باليوم الآخر
هياخدوا الأجر ولا خوف عليهم ولا هم
يحزنون. يبقى الآية دي بتكلم في ايه؟ بتكلم
في كل طائفة من دول في زمنه. مش بعد بعثة
النبي عليه الصلاة والسلام. وإلا ففيه آيات
ثانية ان ربنا سبحانه وتعالى يقول ﴿لَقَدْ كَفَرَ
الَّذِينَ قَالُوا إِنَّ اللَّهَ هُوَ الْمَسِيحُ ابْنُ مَرْيَمَ﴾ ﴿لَقَدْ
كَفَرَ الَّذِينَ قَالُوا إِنَّ اللَّهَ ثَالِثُ ثَلَاثَةٍ﴾

وطبعا الآيات في ذم اليهود مش محتاجة يعني
أكثر انها تحصر والجميل بقى ابن كثير بقى
أورد سبب النزول انتم عارفين اللي حضر
معي كتاب المراحل الثمان. لطالب فهم القرآن
عموما اللي حضر معي دورات تدبر يعرف
قيمة سبب النزول لما نقول فيه سبب النزول
بيفهمك الآية بتكلم في ايه؟ اقرأ ابن كثير
عشان كده بقول لك اقرأ ابن كثير. ابن كثير
أورد آ سبب نزول جميل اوي. ان الآية بسبب
أن سلمان الفارسي. انتم عارفين سلمان
الفارسي كان كان آ نصرانيا. صح؟ سلمان
الفارسي كان نصرانيا ده قبل الإسلام. سأل
النبي عليه الصلاة والسلام عن النصارى اللي
كانوا على الحق اللي هو كان يعرفهم قبل بعثة
النبي عليه الصلاة والسلام. فقالوا يا رسول الله

يعني انا صاحبت قوم كانوا مؤمنين موحدين
يؤمنون ببعثتك وعازمون على الإيمان بك
وكانوا أهل صلاة وأهل عبادة. اين هم؟ هل
هم من أهل النار؟ يعني هم ماتوا قبل بعثة
النبي عليه الصلاة والسلام. موحدين وعن
نصرانية الحق وعلى دين المسيح الحق وعباد
وزهاد واصحاب صلاة وناس كويسة بيقول له
الناس دي فين؟ فنزل قوله تعالى إن الذين
آمنوا والذين هادوا والنصارى والصبر يعني
كل أهل ملة في زمانهم في زمن نبيهم اللي
كان فيهم موحد ومؤمن بنبيه وراجل كويس
وصالح ده له أجر عند ربنا واياه والكلام
دوت. فهمنّا الآية هي بتتكلم فيه اصلا ما
بتتكلمش في في بعد اللي طب نفترض
نفترض نفترض ان الآية ديت بتتكلم في في

بعد بعثة النبي عليه الصلاة والسلام. بعد ايه؟
بعثة النبي عليه الصلاة والسلام. يبقى تفسيرها
ايه؟ سهلة برضو. هنقول ان الذين آمنوا
بمحمد عليه الصلاة والسلام. خلاص دولا
دولا على طول اول طلعتهم آمنوا بالنبي عليه
الصلاة والسلام. طب الذين هادوا والنصارى
والصابئين؟ امتى يبقى كويس؟ وامتى عندي
مقبول؟ من امن بقى. اللي هو هيؤمن هيؤمن
بمحمد عليه من آمن بالله واليوم الآخر. هي
الاية بتقول ايه يا جماعة؟ من آمن بالله واليوم
الآخر. انا عايز اسأل سؤال ينفع واحد يتسمى
■ آمن بالله بعد بعثة النبي عليه الصلاة
والسلام؟ ■ هو مش مؤمن بمحمد عليه
الصلاة والسلام؟ ها؟ ■ يعني ينفع واحد
دلوقتي؟ نقول انه آمن بالله الآية بتقول من

آمن بالله ينفع ان اقول واحد اسمه آمن بالله بعد
بعثة النبي عليه الصلاة والسلام وهو يقول
محمد كذاب والقرآن دوت مش كلام ربنا و ان
مش مؤمن بالقرآن ولا محمد عليه الصلاة
والسلام وربنا يقول ﴿مُحَمَّدٌ رَسُولُ اللَّهِ﴾ يبقا
انت بتقول ربنا كذاب فياذم بالله يبقا ازي يقال
ان هو يوصف ينسب للإيمان من امن بالله لو
افترضنا ان الآية دي بتتكلم عنا لناس دي بعد
بعد بعثة النبي عليه الصلاة والسلام مش فى
زمانهم بتتكلم عنهم بعد بعثة النبى عليه
الصلاة والسلام يبقا الآية دي بتقول من امن
بالله يعنى امن بمحمد عليه الصلاة والسلام
واليوم الاخر لان من معانى الايمان باليوم
الاخر الإيمان بالشفاعة والايمان بالمقام
المحمود والإيمان أنه حامل لواء الحمد عليه

الصلاة والسلام يبقا الا مياأمنش بمحمد لا آمن
بالله ولا آمن باليوم الآخر يبقا الاية دى
مينفعش تستدل بها على المعناين ام ان هى
معناها ان كل واحد فى زمانه او معناها بعد
بعثة النبي عليه الصلاة والسلام على الفهم الا
انا قولته لكن انك تقول ان الآية دى معناها ان
هما ربنا بيثنى على النصارى واليهود
والصابئة بعد بعثة النبي عليه الصلاة والسلام
مع تمسكهم بما هما عليه دى هذا من تحريف
كتاب الله سبحانه وتعالى ومن تبديل معاني
كتاب الله سبحانه وتعالى. لازم افهم اقرأ ابن
كثير انا مش هتكلم اقرأ ابن اقرأ أي تفسير.
في الآية ديت. ادي الشبهات بتاعتهم. بس هم
بيستدلوا بالآيتين دول. تعالى بقى احنا ايه احنا

﴿بقى نأسس بقى احنا رديننا نأسس احنا﴾

بقى الأساس

☞ واحد لازم نفهم حاجة واضحة جدا

ونؤمن بها ﴿إِنَّ الدِّينَ عِنْدَ اللَّهِ الْإِسْلَامُ﴾ [آل

عمران: ١٩] بس هو ربنا قال كده

إن الدين عند الله الإسلام. وربنا قال ﴿وَمَنْ يَبْتَغِ

غَيْرَ الْإِسْلَامِ دِينًا فَلَنْ يُقْبَلَ مِنْهُ وَهُوَ فِي الْآخِرَةِ

مِنَ الْخَاسِرِينَ﴾ [آل عمران: ٨٥]

✍ يأتي السؤال الآن يعني ايه ان الدين عند

الله الإسلام؟ طب ودين سيدنا عيسى؟ ودين

سيدنا موسى؟ ودين سيدنا ادريس؟ ودين

سيدنا آدم هو الدين عند ربنا هو دين سيدنا

محمد بس؟ طب والباقي دوت يعني؟ باقي ايه

يا ابني؟ ما فيش باقي. الآية دي مش

متعارضة مع اي حاجة. ربنا بيقول إن الدين عند الله الإسلام. ما هو ربنا ما انزلش الا الاسلام اصلا. والفروقات بين بين الأنبياء إنما هي في الشرائع بس. اصلي ازاي؟ اصوم ازاي؟ ازكي ازاي؟ اللي هي التشريعات حلال وحرام. لكن الدين اللي هو العقيدة اللي هو التوحيد واحد. كل الأنبياء جاءوا بالإسلام. يبقى الآية دي بتكلم على كل الازمنة. بتكلم من أول آدم إلى قيام الساعة. إن الدين عند الله الإسلام. فاهمين يا شباب؟ مركزين معي؟ يعني سيدنا ادم كان مسلم. سيدنا عيسى كان مسلم. سيدنا موسى كان مسلم. سيدنا يوسف كان مسلم. يعني إيه مسلم؟ يعني موحد لا يشرك بالله شئ. وبالنسبة للتشريعات قابلها وراضي بها و بيعمل بها ده بالنسبة لنا مسلم

هَجَبُكَ الْأَدْلَةُ هَجَبُكَ الْأَدْلَةُ سَيِّدُنَا عِيسَى عَلَيْهِ
السَّلَامُ نَرْجِعُ مِنْ أَوَّلِ سَيِّدُنَا عِيسَى سَيِّدُنَا
عِيسَى رَبَّنَا قَالَ عَنْ الْحَوَارِيِّينَ ﴿وَإِذْ أَوْحَيْتُ
إِلَى الْحَوَارِيِّينَ أَنْ آمِنُوا بِي وَبِرَسُولِي قَالُوا
آمَنَّا وَاشْهَدْ بِأَنَّا مُسْلِمُونَ﴾ [المائدة: ١١١]

وَاشْهَدْ بِأَنَّا مُسْلِمُونَ مُسْلِمُونَ وَاشْهَدْ بِأَنَّا
مُسْلِمُونَ سَيِّدُنَا مُوسَى وَقَالَ مُوسَى لِقَوْمِهِ فِي
سُورَةِ يُونُسَ ﴿وَقَالَ مُوسَى يَا قَوْمِ إِنْ كُنْتُمْ
آمَنْتُمْ بِاللَّهِ فَعَلَيْهِ تَوَكَّلُوا إِنْ كُنْتُمْ مُسْلِمِينَ﴾
[يونس: ٨٤]

❁ وَادِي سَيِّدُنَا مُوسَى سَيِّدُنَا يُوسُفُ قَالَ
تَوَفَّنِي مُسْلِمًا وَالْحَقَّتْ بِي بِالصَّالِحِينَ ﴿صَحَّ؟
سَيِّدُنَا سُلَيْمَانُ. الْمَرْأَةُ لَمَّا لَمَّا آمَنْتِ قَالَتْ أَيْهِ؟
❁ قَالَتْ ﴿قَالَتْ رَبِّ إِنِّي ظَلَمْتُ نَفْسِي وَأَسْلَمْتُ
مَعَ سُلَيْمَانَ لِلَّهِ رَبِّ الْعَالَمِينَ﴾. مَشْ كَدَه؟

سيدنا ﷺ ابراهيم امام الملة ﴿مَا كَانَ إِبْرَاهِيمُ يَهُودِيًّا وَلَا نَصْرَانِيًّا وَلَكِنْ كَانَ حَنِيفًا مُّسْلِمًا وَمَا كَانَ مِنَ الْمُشْرِكِينَ﴾ [آل عمران: ٦٧]

ﷺ وربنا قال ﴿قُولُوا آمَنَّا بِاللَّهِ وَمَا أُنْزِلَ إِلَيْنَا وَمَا أُنْزِلَ إِلَىٰ إِبْرَاهِيمَ وَإِسْمَاعِيلَ وَإِسْحَاقَ وَيَعْقُوبَ وَالْأَسْبَاطِ وَمَا أُوتِيَ مُوسَىٰ وَعِيسَىٰ وَمَا أُوتِيَ النَّبِيُّونَ مِنْ رَبِّهِمْ لَا نُفَرِّقُ بَيْنَ أَحَدٍ مِنْهُمْ وَنَحْنُ لَهُ مُّسْلِمُونَ﴾ [البقرة: ١٣٦]

إذا أساس كل دين هو الاسلام حتى لو اتسمى نصرانية اتسمى يهودية اتسمى اي اسم. بس هو في الآخر اسلام واللي بيختلف الشرائع اللي بيختلف الشرائع لكن هو في الآخر دين كل الأنبياء هو الإسلام لذلك سيدنا عيسى في آخر الزمان لما ينزل هيحكم بالاسلام اذا انت بس تقولى دلوقتى ان ان أنت بتكذب القرآن

ربنا يقول لسيدنا عيسى نفسه ﴿وَإِذْ قَالَ اللَّهُ يَا
عِيسَى ابْنَ مَرْيَمَ أَنْتَ قُلْتَ لِلنَّاسِ اتَّخِذُونِي
وَأُمِّي إِلَهَيْنِ مِنْ دُونِ اللَّهِ قَالَ سُبْحَانَكَ مَا يَكُونُ
لِي أَنْ أَقُولَ مَا لَيْسَ لِي بِحَقِّ إِنْ كُنْتُ قُلُّهُ فَقَدْ
عَلِمْتَهُ تَعْلَمُ مَا فِي نَفْسِي وَلَا أَعْلَمُ مَا فِي نَفْسِكَ
إِنَّكَ أَنْتَ عَلَّامُ الْغُيُوبِ مَا قُلْتُ لَهُمْ إِلَّا مَا
أَمَرْتَنِي بِهِ أَنْ اعْبُدُوا اللَّهَ رَبِّي وَرَبَّكُمْ وَكُنْتُ
عَلَيْهِمْ شَهِيدًا مَا دُمْتُ فِيهِمْ فَلَمَّا تَوَفَّيْتَنِي كُنْتُ
أَنْتَ الرَّقِيبَ عَلَيْهِمْ وَأَنْتَ عَلَى كُلِّ شَيْءٍ شَهِيدٌ﴾
[المائدة: ١١٦ و ١١٧]

﴿وَوَصَّى بِهَا إِبْرَاهِيمُ بَنِيهِ وَيَعْقُوبُ يَا بَنِيَّ إِنَّ
اللَّهَ اصْطَفَى لَكُمْ الدِّينَ فَلَا تَمُوتُنَّ إِلَّا وَأَنْتُمْ
مُسْلِمُونَ﴾ [البقرة: ١٣٢]

ف ازي يتقال دلوقتى ان الجنة مش حكر
على الايه؟ مش حكر على المسلمين. بل نقول

هي حكرة على المسلمين. لاننا بنقول ان اتباع الانبياء اللي كانوا على دينهم الحق هم مسلمين برضو. اتباع ادم أتباع عيسى اتباع موسى اتباع سليمان. دول اسمهم مسلمين عندي. فانا لما اقول الجنة حكر على المسلمين انا بتكلم عن اتباع محمد عليه الصلاة والسلام. وأتباع عيسى اللي كانوا على دينه الحق واتباع موسى اللي كانوا على دينه الحق. أما بعد بعثة النبي صلى الله عليه وسلم فلا يوجد مسلم إلا من كان موحدًا مقرا مؤمنا مصدقا للنبي عليه الصلاة والسلام. فإذا رفض أن يؤمن بمحمد عليه الصلاة والسلام فهو ليس بمسلم ولا حتى ينسب الى نبيه. لأن عيسى بشر بمحمد عليه الصلاة والسلام. وموسى بشر بمحمد عليه الصلاة والسلام. ﴿الَّذِي يَجِدُونَهُ مَكْتُوبًا عِنْدَهُمْ

فِي التَّوْرَةِ وَالْإِنْجِيلِ). اذا اللي بيكذب محمد
عليه الصلاة هو مكذب عيسى ومكذب موسى
اصلا يعني هو مش مؤمن خالص ولا يقال
عنه أنه يقال مسلم. بل نحن اولى بعيسى منهم.
نحن اولى بموسى منهم نحن احنا أتباع عيسى
احنا أتباع موسى ايوة انا انا من اتباعه مع
موسى موسى اللي بشر بمحمد عيسى اللي
بشر محمد انا من اتباعه لان انا امنت بمحمد
عليه الصلاة والسلام. ثم ان اصل اصول
الاسلام ايه يا جماعة؟ بني الإسلام على ايه؟
خمس بني الإسلام على خمس ■ شهادة أن لا
اله الا الله وان محمد رسول الله فكيف يقال؟
أن واحد ما بيشهدش ان محمد رسول الله يقال
عليه مسلم والله امر عجيب احنا بتكلم في
بديهيات انا مستغرب ان انا بتكلم في موضوع

زي ده احنا وصلنا ان احنا بنكلم شباب في
موضوع زي دوت انتم عارفين لو دلوقتي
وجد لو افترضنا يعني وده مش موجود تقريبا
ان في واحد نصراني ما بيقولش ثالث ثلاثة
ولا بيقول اخليها سؤال. لو افترضنا ان واحد
نصراني ما بيقولش ان الله ثالث ثلاثة. ما
بيقولش ان المسيح ابن الله. و ما بيقولش اه اه
ان المسيح هو الله وهو موحد بالله سبحانه
وتعالى لا يشرك به شيئا. هل يعد مسلما أم
لا؟ الإجابة. انتظر اجابتم. مات على ذلك في
زمننا هل هيدخل الجنة أم لا؟ تقول لا وليه؟
أو تقول اه وليه؟ تمام ليه؟ تمام ما هو موحد
يعنى . مم. برافو عليك. هل إجابة لأ؟ لأنه لم
يؤمن بمحمد عليه الصلاة والسلام. اذا حتى
مجرد التوحيد بس بدون الإيمان بمحمد عليه

الصلاة والسلام ما ينفعش. ما ينفعش. ولا يعد صالحا. هو ما قالش نص الشهادة الثاني. يبقى ما ينفعش. تمام؟ والنبي عليه الصلاة والسلام صرح بديه بقى صريحة بقى. احفظوا الحديث ده احفظه يا ريت اللي يعرف يعمل له كوبي يحطه لي في الكومنت. قال النبي عليه الصلاة والسلام حديث صحيح (والذي نفس محمد بيده والذي نفسي بيده. لا يسمع بي لا يسمع بي أحد من هذه الامة. احد من هذه الامة يهودي ولا نصراني ثم لا يؤمن ثم لا يؤمن بالذي أرسلت به إلا كان من أهل النار إلا كان من أهل النار) صريحة اهي اكتبوا. وربنا نفسه قال ﴿لَا نُفَرِّقُ بَيْنَ أَحَدٍ مِنْ رُسُلِهِ﴾

■ ربنا قال في سورة النساء ﴿إِنَّ الَّذِينَ يَكْفُرُونَ بِاللَّهِ وَرُسُلِهِ وَيُرِيدُونَ أَنْ يُفَرِّقُوا بَيْنَ اللَّهِ وَرُسُلِهِ

وَيَقُولُونَ نُؤْمِنُ بِبَعْضٍ وَنَكْفُرُ بِبَعْضٍ وَيُرِيدُونَ
أَنْ يَتَّخِذُوا بَيْنَ ذَلِكَ سَبِيلًا أُولَئِكَ هُمُ الْكَافِرُونَ
حَقًّا وَاعْتَدْنَا لِلْكَافِرِينَ عَذَابًا مُهِينًا [النساء:
١٥٠ و ١٥١]

إن الذين يكفرون بالله ورسله يكفرون بالله
ورسله والرسل ها؟ قال دول الكفار وكل
الرسل. ويقولون طب ده كفر ازاي؟ يقولون
نؤمن ببعض ونكفر ببعض. ويريدون أن
يتخذوا أولئك هم الكافرون حقا هم الكافرون
آية؟ حقا واعتدنا للكافرين عذابا مهينا. اذا لو
واحد قال أنا مؤمن ببعض الرسل والبعض لا
مش مؤمن. انت لو واحد مسلم وآمنت بكل
الرسل قلت مش مؤمن بسيدنا يونس تكفر
بالنسبة لي كافر. قلت انا مش مؤمن بس
بسيدنا ادريس تكفر. ما بالك بقى واحد ما

عاملش سيدنا محمد؟ ومسألة بقى حنة النعرة
الكاذبة لك دي نعمة كذابة. يعني ايه نعمة
كذابة يعني؟ يعني استعلاء يعني. يقول لك دا
استعلاء ايوة استعلاء دا طبيعي يبقى في
الاستعلاء استعلاء إيماني. هو ربنا قال كده
قال لنا استعلوا بالايمان. ﴿أَفَنَجْعَلُ الْمُسْلِمِينَ
كَالْمُجْرِمِينَ مَا لَكُمْ كَيْفَ تَحْكُمُونَ﴾ [القلم:
٣٥ و ٣٦]

﴿وَلَا تَهِنُوا وَلَا تَحْزَنُوا وَأَنْتُمْ الْأَعْلَوْنَ إِنْ كُنْتُمْ
مُؤْمِنِينَ﴾ [آل عمران: ١٣٩]

ربنا قال لا تهنوا ولا تحزنوا أنتم ايه؟ ها؟
ردوا علي اكتبوا ولا تفسير سورة آل عمران
ولا تهنوا ولا تحزنوا وأنتم ربنا سماها نعمة
كذابة؟ ولا دا احنا لازم نعتقد كدا ان اي
مؤمن اعلى من اي كافر؟ ولا تهنوا ولا

تحزنوا وانتم الاعلون إن كنتم مؤمنين. صح؟
ربنا قال لسيدنا موسى ايه؟ اللي هو كان
مسلم. هو دا مسلم الزمن دوت مسلم الزمن ده
سيدنا موسى قال ربنا قال لسيدنا موسى والقي
ما قال آآ ﴿قُلْنَا لَا تَخَفْ إِنَّكَ أَنْتَ الْأَعْلَى﴾ [طه:
[٦٨

انا لازم طبعاً استعلاء بايماني لما المشركين
في غزوة قال اعلوا هبل اعلوا هبل. النبي
عليه الصلاة والسلام قال لهم عادي اصل في
تعددية في الإسلام. اصل احنا عندنا تعددية
دينية مش مشكلة ما تستكبر وش بقى
باسلامكم كده وتستعلوا به ايه المشكلة اعلوا
هبل يعنى؟ عادي يعنى احنا ديننا فيه مرونة
وكله داخل الجنة وعندنا في الإسلام وما ترد
وش ها؟ عشان كده بقول لك أمر العقيدة

أخطر أمر دى النبي سكت لما سألوا عليه
وسألوا عن سألته عن كل حد قال له ما حدش
يرد. انت بتتكلم في التوحيد؟ وتقول ان في
حاجة اعلى من الاسلام؟ وتقول له اه انا
هبل؟ والله ما نسكت لك. لازم يترد. قال قولوا
الله اعلى وأجل. فقالوا الله اعلى وأجل. نحن
نقول الإسلام يعلو ولا يعلى عليه الإسلام
يعلى كما جاء في الحديث الإسلام يعلو يعلو
ولا ايه؟ ولا يعلى عليه فده كلام مهم. طيب.
برضو احنا دلوقتي يا جماعة في زمن زمن
عجيب. زمن عايزين دلوقتي يوصلونا الدين
الإبراهيمي. ايه الدين الإبراهيمي ده حلو؟
الدين الإبراهيمي ده بقى ايه؟ ميكس كده.
بيقولك مش سيدنا ابراهيم ده هو ابو كل
الانبياء. يعني سيدنا موسى من نفسه وسيدنا

عيسى نسل وسيدنا محمد نسله خلاص احنا
نعمل له ميكس كده اسمه الدين الابراهيمى.
الدين الابراهيمى ده يعنى النصراني صح
واليهودي صح والمسلم صح والدنيا حلوة.
وفيه دولة عربية كده عملت فعلا مكان عبادة
اسمه البيت الابراهيمى. في مسجد وكنيسة
ومعبد يهودي. والناس دي كلها ودول كلهم ب
يدينوا بدين واحد اللي هو الدين الواحد ده
الدين الابراهيمى آية الدين الابراهيمى ده؟
يشمل الإسلام والنصرانية واليهودية كده ايه؟
كلنا حلوين يعنى. طب ده ربنا نفسه ربنا نفسه
بيقول ﴿مَا كَانَ إِبْرَاهِيمُ يَهُودِيًّا وَلَا نَصْرَانِيًّا
وَلَكِنْ كَانَ حَنِيفًا مُّسْلِمًا وَمَا كَانَ مِنَ الْمُشْرِكِينَ﴾
[آل عمران: ٦٧]

ازاي يعني يتقال على ايه يعني انا حاسس ان
انت هنجت شوية يعني فاهم؟ انت تقرأ في
القرآن كلام تسمع الإعلام حاجة تانية خالص.
تصدق ربنا و له نصدقهم؟ ما فيش حاجة
اسمها الدين الابراهيم. دين ابراهيمي اسمه
الدين الاسلام هو ده دين إبراهيم عليه السلام.
ما اعرفش حاجة تانية غير كده. طب هل
معنى الاستعلاء الايماني ده هل معناه ان انا
بقى هعامل هعامل غير المسلم بقسوة و بلا بقى
نضربهم ونقتلهم في الشوارع؟ لا طبعا. ده
حاجة ودي حاجة. كون انا حاسس جوايا
باستعلاء إيماني. ده لازم كون انا شايف نفسي
انا الصح طبعا لازم والا مستلزمات ان انت
مسلم انت لازم تكون شايف نفسك صح وزي
ما هما شايفين أنفسهم صح كل صاحب عقيدة

شايف نفسه صح بس انت الوحيد اللي متأكد
انك انت عالحق ده حاجة والمعاملة موضوع
تاني النبي عليه الصلاة والسلام كان هو نفسه
اللي كان بيقول الله أعلى وأجل اللي كان بيقول
الإسلام يعلو ولا يعلى عليه كان بيعامل الناس
ازاي؟ بيعامل النصارى بيعامل المشركين
بيعامل اليهود ازاي؟ كان الأصل فيه صلى
الله عليه وسلم الإحسان الرفق طالما ما فيش
ظاهره في العداوة أو اعتدوا علينا او او ان
احنا بنعامل ناس بدعوة نيتنا دعوتهم. وفيه في
قلبي مع الاستعلاء الايماني ده رفق شفقة
رحمة انا واريده الخير على فكرة. انا ما
اتمناش ابدا ان هو يموت على كده. انا يعني
ربنا بيقول عن النبي عليه الصلاة والسلام

﴿فَلَعَلَّكَ بَاخِعٌ نَفْسَكَ عَلَى آثَارِهِمْ إِنْ لَمْ يُؤْمِنُوا
بِهَذَا الْحَدِيثِ أَسَفًا﴾ [الكهف: ٦]

باخع نفسك على آثارهم إن لم بهذا الحديث
ايه؟ أسفا. وده اللي هو مستعلي إيمانه برضه.
يبقى انا بستعلي بإيماني وانا جوايا بتأسف. لو
واحد فلت مني. بتأسف. لو لو لو انا فلتت مني
نفسي ما امنتش. انا نفسي يخشوا الاسلام.
عشان كده دينا امرنا بالاحسان اليهم. ان انا
ممكن اكل من أكله. اشرب من شربه ممكن ان
انا يعني اقبل منه هدية ممكن يشتغل عندي
ممكن اشتغل عنده ممكن ابيع معه ممكن
اشتري بس العقيدة موضوع ثاني. لكن ما
ينفعش ان انا اعمل معه واجب وادخله معي
الجنة. فعشان اعمل معه واجب وهو بعد ما
مات على دينه اترحم عليه واستغفر له. ﴿مَا

كَانَ لِلنَّبِيِّ وَالَّذِينَ آمَنُوا أَنْ يَسْتَغْفِرُوا لِلْمُشْرِكِينَ
وَلَوْ كَانُوا أُولِي قُرْبَى مِنْ بَعْدِ مَا تَبَيَّنَ لَهُمْ أَنَّهُمْ
أَصْحَابُ الْجَحِيمِ ﴿التوبة: ١١٣﴾ يبقى احنا
بنتكلم ده أمر عقدي. لا يقبل الفصال ولا يقبل
الأية ؟ ولا يقبل المساومة. لكن المعاملة
سهلة. معاملة إحسان

﴿لَا يَنْهَاكُمُ اللَّهُ عَنِ الَّذِينَ لَمْ يُقَاتِلُوكُمْ فِي الدِّينِ
وَلَمْ يُخْرِجُوكُمْ﴾

لكن اللي في القلب في القلب يبقى احنا اهم
حاجة عندنا ان احنا نثبت المعاني دي. وأما
المعاملة فكل احسان وكل بر وكل قسط وكل
عدل تجارة واكل وشرب وبيع وشراء. كله
عادي. لكن ده ما طلعتش منه. انا لو انا انا
كمسلم. انا انت ما انت انت بتقول لي الكلام ده
لو قلت لك في الاخر ان الجنة مش حكر على

المسلمين انت عملت جريمة في غير المسلمين
مش في المسلمين لا فعلت جريمة في غير
المسلمين. لأن الرسالة دي لو وصلته هو مش
هيفكر في الإسلام انتم فاهمين الحجة دي؟ انا
اخر حاجة اختم بها افهم الحجة دي كويس.
الرسالة ديت اللي هي اتقال له أن الجنة مش
حكر على المسلمين ممكن غير يخش الجنة
دي جريمة في حق غير المسلمين. ليه؟ لان
انت كده تخيل واحد بقى دلوقتي مثلا غير
مسلم فكر ان هو يبحث في الاسلام وان هو
يهتدي الاسلام. سمع حاجة زي كده هيعمل
ايه؟ قال له طب انا بدور ليه؟ إذا كان هم
المسلمين نفسهم المسلمين نفسهم نفسهم بيقلوا
لي عادي انت لو مت كده وكنت راجل طيب
وصالح وبتعمل اعمال خير هتخش الجنة.

طب انا انا عامل كل ده ليه؟ يعني انا مبهدل نفسي ليه؟ طب انا اخش الاسلام ليه؟ يبقى هو عمل جريمة في الراغب في الإسلام. يبقى احنا استعلاءنا بايماننا وبيننا الموضوع ده والله هو رفق بغير المسلم وهو رحمة غير مسلم. والنبى عليه الصلاة والسلام ارسل الرحمة للعالمين. انا لازم افوقه ولازم افهمه لازم اوضح له لان انا خايف عليه. وبجد له الهداية وراغب في هدايته. واضح يا شباب؟ فهمتوا المعنى الجميل الاخير ده عشان نختم؟ بس. انا وعدتكم مش هطول عليكم دايمًا. بس كان لازم الكلام دوت. وانا متأكد ان اللايف دوت انتم هتحتاجوا تنشروه وهتحتاجوا صحابكم يتفرجوا عليه لان الموضوع ده خطير جدا. وكل الشباب بيسأل فيه دلوقتي. ولازم نكون

واضحين صارمين في أمر العقيدة لا نقبل
مساومة ولا المداهنة في ذلك. فانا يعني مش
عايز اطول عليكم الا عندي كلام ثاني عايز
اقوله بس خلاص يعني. كفاية كده. ربنا يستر
علينا وعلى ربنا يعديها على خير. ادعوا لي
بالخير والجنة ربنا يثبتنا وإياكم. وفهموا
الناس كويس وخليكم متمسكين بالعقيدة.
وخليكم حراس عقيدة عيشوا عليها وموتوا
عليها ربنا يثبتنا وإياكم على الخير والطاعة
والعبادة انا احبكم في الله انشروا الفيديو
دوت واسمعوه ثاني وعلموه للناس ربنا
يرضيك ويعرض عنكم معلىش انا مش هقدر
استقبل بقى اسئلة وكده بس اللي عنده
موضوع مهمط عايز نناقشه المرة الجاية
يكتبه انا هقرا كومت اللي عنده موضوع

مهم عايزني تناقشه المرة الجاية اكتبوا في
الكومنتات انا هتابعها ان شاء الله. انا بحبكم
في الله. ربنا يارب يثبتنا على الإسلام. اللهم
يا ولي الإسلام وأهله مسكننا الإسلام حتى
نلقاك عليه اللهم احفظنا بالإسلام قائمين
واحفظنا بالإسلام قاعدين واحفظنا بالإسلام
راقدين اللهم يا مثبت القلوب ثبت على دينك.
اللهم توفقنا على كلمة التوحيد جزاكم الله
خييرا السلام عليكم ورحمة الله.

